

御批資治通鑑綱目

第一函
第六冊

御批資治通鑑綱目卷五

起辛未漢武帝元封元年凡四十九年

元封元年冬十月帝出長城登單于臺勒兵而還

上又以古者先振兵釋旅然後封禪詔曰南越東甌咸

伏其辜西蠻北夷頗未輯睦朕將巡邊垂躬秉武節親

帥師焉乃行自雲陽歷五原出長城北登單于臺至朔

方臨北河勒兵十八萬騎旌旗徑千餘里遣郭吉告單

于曰南越王頭已縣於漢北關今單于能戰天子自將

待邊不能即南面而臣於漢單于怒留吉上乃還祭黃

帝冢而釋兵

集覽五原括地志云勝州連谷縣本秦九原郡漢更名五原黃帝冢地理志上郡陽周縣橋山南黃帝冢在焉括地志云黃帝陵在寧州羅川縣東八十里子午山按陽周隋改羅川

質實

統

里。秦將蒙恬所築黃帝冢在延安府中部縣治北。卽橋陵也。世傳黃帝崩後葬衣冠于此。

貶卜式爲太子太傅。以兒寬爲御史大夫。

上以式不習文章故貶秩而以寬代之。

東越殺王餘善以降。徙其民江淮間。

漢兵入東越境。繇王居股殺餘善。以其衆降。上以閩地險阻。數反覆。終爲後世患。乃詔諸將悉徙其民於江淮之間。遂虛其地。

春正月。帝如緱氏。祭中嶽。遂東巡海上。求神仙。夏四月。封泰山。禪肅然。復東北至碣石而還。五月。至甘泉。

正月。上幸緱氏。禮祭中嶽。從官在山下。聞若有言萬歲者三。上遂東巡海上。祠八神。益發船求蓬萊。乃與方士傳車及閒使求神仙。皆以千數。四月。還至奉高。封泰山。下東方如郊祠泰一之禮。封下有玉牒書。書秘。禮畢。天子獨上泰山。亦有封。明日。下陰道。禪泰山下阯東北肅然山。如祭后土禮。江淮間茅三脊爲神藉。祠夜若有光。

畫有白雲出封中。天子還坐明堂。群臣上壽。下詔改元。
天子既已封泰山。無風雨。而方士更言蓬萊諸神。若將
可得。於是上欣然。庶幾遇之。復東至海上。欲自浮海求
蓬萊。群臣諫莫能止。東方朔曰。夫儒者得之自然。不必
躁求。若其有道。不憂不得。若其無道。雖至蓬萊。見仙人。
亦無益也。臣願陛下第還宮靜處。以須之。仙人將自至。
上乃還。是行凡周。集覽。中嶽在嵩高山。注見唐中宗嗣
行萬八千里云。聖十二年嵩高山。注見秦始
皇二十八年。奉高縣名也。屬泰山郡。下東方從東方而
下。玉牒書。唐書韓愈表。紀泰山之封。鏤白玉之牒。按玉
牒長尺三寸。廣厚各五寸。藏於山上。以方石三枚爲再
累。緘以金繩。封以石泥。印以受命之璽。下陰道山之西
北。曰陰道。禪泰山下。吐東北。肅然山。正義曰。除地而祭。
曰禪。報地之功也。言禪者神之矣。山之基足曰吐。肅然
小山在泰山下。吐東北。江淮間茅三脊爲神藉。封禪書。
江淮之間。茅三脊。所以爲藉。孟康曰。所謂靈茅也。禹
貢包匭菁茅。蔡氏傳曰。菁茅有刺而三脊。所以供祭祀。
縮酒之用。齊桓公責楚貢包茅不入。王祭不供。無以縮
酒。括地志云。辰州盧溪縣西南三百五十里。有包茅山。
武陽記云。山際出包茅。有刺而三脊。白雲出封中。封用
五色土。益雜封之。白雲出其中。此瑞也。坐明堂。史記本
紀注。泰山東北吐。古時有明堂處。則此所坐者。王壽如

淳曰。上酒為稱壽。非大行酒。

正誤

還至奉高泰山下東方。今按史記

下東方。如郊祠秦一之禮。天子獨與待中上泰山。亦有

封。明日。下陰道。禪泰山。山下趾東北。肅然山。然則本謂泰

山下之東方。非謂自

質實。一統志云。緱氏縣名。注見武

泰山東方而下也。

帝元鼎六年。碣石山名。注見

秦始皇二十九年。耳泉宮名。注見文帝三年。奉高漢之

縣名。屬泰山郡。隋初廢郡。改奉高為岱山。後以岱山省

入博城縣。唐初於縣置泰州。後廢。改博城曰乾封。宋徙

縣治於此。又改奉符縣。金置泰寧軍。又改泰安軍。尋改

為州。元初屬東平路。後隸省部。本朝屬濟南府。以奉

符縣省入。仍屬焉。明堂在濟南府泰安州北五里。泰山

下。即古帝王東巡狩朝諸侯之所。又漢書。奉高

縣西南四里有明堂。乃武帝元狩三年所造。

書法。綱目。書巡二十九。莫多於秦皇。漢武。隋煬。三君

於三君。若夫自春首至五月。周回

萬八千里。則又秦隋之所未有也。

賜桑弘羊爵左庶長。

先是。桑弘羊為治粟都尉。領大農。盡幹天下鹽鐵。乃置

大農部丞數十人。分主郡國。命遠方各以其物。如異時

商賈所轉販者爲賦。而相灌輸。謂平準于京師。都受天下委輸。貴卽賣之。賤卽買之。欲使富商大賈無所牟大利。而萬物不得騰踊。至是巡狩所過。賞賜用帛百餘萬匹。錢金以鉅萬計。皆取足大農。弘羊又請令吏得入粟補官。及罪人贖罪。民不益賦。而天下川饒。於是賜弘羊爵左庶長。是時小旱。上令官求雨。卜式言曰。縣官當食租衣稅而已。今弘羊令吏坐市。列肆販物求利。烹弘羊。天乃雨。**集覽**。盡幹。幹音管。專主其土地所有者。轉輸於所無之地。互相灌注。互相輸送。輸者。旣使而官有利。平準官名也。屬大農。有令丞委輸。並去聲。注見。

高帝五年

發明

弘羊一賣人子爾。以言利得幸。至於賜爵。豈非以其善理財歟。然弘羊非能取其家之貲以助

國也。又非能神運鬼輸以生財也。不過假權勢以漁奪民財而已。善乎我朝司馬公光對神祖之言曰。天地所生財貨百物。止有此數。不在民則在官。譬如雨澤。夏澇則秋旱。不加賦而上用足。不過設法陰奪民利。其害甚於加賦。此乃弘羊欺武帝之言。太史書之以見武帝之不明爾。至其末年盜賊蠡起。幾至於亂。若武帝不悔禍。昭帝不變法。則漢幾亡。嗚呼。此言真萬世之藥石也。然不加賦之說。通鑑猶載其彷彿。至

綱目分註。則削而不錄矣。故臣因賜爵之事。備載司馬公之言。為萬世法。

秋。有星孛于東井。又孛于三台。

望氣王朔言。候獨見孛星出如瓜。食頃復入。**集覽**有星有司。皆曰。陛下建漢家封禪。天其報德星云。**集覽**有星東井。春秋文十四年。有星孛入于北斗。注。孛。彗也。既見而移入北斗。非常所有。故書之。孛。音佩。嵇康音勃海字。董仲舒以為孛者。惡氣所生。言其孛孛有所妨蔽。闇亂不明之貌。孛。通作菲。索隱曰。菲。妖星之甚者也。東井八星。主水衡事。法令所取平也。王者用法平。則井星明而端列。又孛星東井。並注。見晉穆帝升平元年。三台。春秋元命苞云。三台起於文昌。列抵太微王公之位。晉天文志。三台六星。西近文昌二星曰上台。為司命。次二星曰中台。為司中。東二星曰下台。為司祿。所以昭德塞違也。又注。見順帝陽嘉二年。台階。孛星。天文志。孛星中央土。四星皆失。孛星乃為之動。天官書。謹候此曆斗之會。以定孛星之位。晉灼曰。常以甲辰之元。始建斗。歲孛一宿。二十八宿而周天。春秋文耀鉤云。孛。黃帝含樞紐之精。其體璇璣中宿之分。德星。顏師古曰。德星。即孛星。索隱曰。郊祀志。孛星出如瓠。故師古以德星。即孛星。今按此止言德星。則德星。歲星也。歲星所在有福。故曰德星。天

申壬

官書。景星者。德星也。孟康曰。有赤方氣與青方氣相連。赤方中有兩黃星。青方中一黃星。凡三星合為景星。正義曰。景星狀如半月。生於晦朔。助月為明。王者不敢私人則見。

書法

於是王朔言見填星大如瓜。綱目削之。而書星字。再。明年。乃書祠拜德星。則不待深譏。而帝之

矯誣自見矣。先是帝世書字者五。至是而又同時再字。終綱目書字五十三。惟武帝書字七。獻帝書字七。至於字長竟天。同時再字。則帝所獨焉。微帝末年悔悟。其應始末可知矣。終綱目同時再字一。是年同月再字一。後主

建興十四年。

二年冬十月帝祠五時還祠泰一以拜德星。○春如東萊。

公孫卿言見神人東萊山。若云欲見天子。於是幸東萊。

宿留數日。無所見。復遣方士求神怪。采芝華。以千數。時

歲旱。天子既出無名。乃集覽東萊郡名。注見安帝永初

禱萬里沙。還過祠泰山。二年萬里沙。應劭曰。萬里

沙。神祠也。在東萊曲城縣。括地志云。萬里沙。在華州鄭

縣東北二十里。孟康曰。沙徑三百餘里。過祠泰山。鄧展

曰。過經也。泰山自東。復有小泰山。瓚曰。即今之泰山。然

按漢武本紀。公玉帶云。黃帝時。雖封泰山。然風后封鉅

岐伯。命黃帝封東泰山。禪凡山。然後不死。注。質實。一統志云。徐廣曰。東泰山。在琅邪朱虛縣。其山卑小。萬里沙。在萊州府城東北三十里。夾萬歲河兩岸。沙長三百里。泰山。即東泰山。在青州府臨朐縣南一百二十五里。一名沂山。周禮職方氏。青州。其山鎮曰沂山。即此。漢郊祀志。武帝設祠具陳。東泰山卑小。不稱其聲。乃命禮官祠之。而不封焉。今為東鎮。載諸祀典。

夏還臨塞決河築宣防宮

初河決瓠子。二十餘歲不塞。梁楚尤被其害。是歲發卒數萬人塞之。自泰山還。自臨決河。沈白馬玉壁。命群臣負薪。卒填決河。築宮其上。名曰集覽。河決瓠子。注見元宣防。導河北行二渠。復禹舊迹。集覽。光三年決濮陽瓠子。宣防。義取宣導防壅也。二渠。河東渠。龍首渠也。河渠書。禹斷二渠以引其河。漢書音義曰。斷。分也。二渠。一出貝丘西南南折者也。一則潔川也。質實。一統志云。宣防宮在大名府開州城西南二十五里瓠子口之上。義取宣導防壅也。詳見武帝元和三年。

至長安立越祠

越人勇之言。越俗祠。皆見鬼有效。東甌王敬鬼得壽。乃命立越祠。亦祠天神上帝百鬼。而用雞卜。

集覽

越人勇之。韋昭曰。勇之名也。越地之人。越俗祠。越土之俗。凡祠祭。必見鬼而有驗。雞卜。漢書音義曰。持雞用卜。如鼠卜。正義曰。雞卜法。用雞一狗一。生祝願訖。即殺雞狗。煮熟又祭。獨取雞兩眼。骨上自有孔裂。似人物形。則吉。不足則凶。今嶺南行此卜法。

作蜚廉桂觀通天莖臺

集覽

蜚廉。桂觀。前書音義曰。蜚廉。神禽也。能致風氣。晉灼曰。飛

廉。身如鹿。頭如雀有角。而蛇尾。豹文。漢武以銅鑄像置觀上。因名飛廉觀。桂觀。即桂宮。三輔黃圖云。蜚廉桂觀。俱在長安城中。近北宮。通天莖臺。索隱曰。漢書並無莖字。疑衍也。三輔黃圖云。臺在甘泉宮。高百餘丈。若與天通。故名通天臺。上有承露盤。仙人掌擎玉杯。以承雲表之露。西都賦云。抗仙掌以承露。擢雙立之金莖。注。金莖。銅柱也。實。一統志云。通天臺在西安府涇陽縣甘泉宮內。其地本黃帝以來祭天圓丘處。漢武帝於此築臺。以其高上通於天。故名。

公孫卿言仙人好樓居。於是上令長安甘泉作諸臺觀。使卿持節設具而候神人。益廣諸宮室。

書法

書譏也。書觀始此。終綱目書觀七。是年桂觀。靈帝光和五年百尺觀。後主建興七年魏聽訟觀。

晉孝武寧康三年秦聽訟觀。宋庚戌年總明觀。陳甲午年周通道觀。唐武宗會昌三年望仙觀。自聽訟總

明通道之外。皆譏也。

發明

武帝爲求仙而修宮室。如建柏梁臺。作承露盤。立太乙壇。越祠之類。不一而足。至此又作蜚廉

桂觀。通天莖臺。未幾復有明堂。建章。明光諸宮之作。綱目皆書于冊。所以著武帝之失。爲求神仙者之戒。爾。天豈好爲是繁文哉。嗚呼。使神仙果有。豈可求耶。使其可求。則武帝得之矣。

朝鮮襲殺遼東都尉。

初全燕之世。嘗略屬真番。朝鮮。爲置吏。築障塞。秦滅燕。屬遼東。外徼。漢興。爲其遠難守。復修遼東故塞。至沮水。爲界。燕人衛滿。亡命聚黨。椎髻夷服。東走出塞。渡沮水。居秦故空地。役屬真番。朝鮮。蠻夷。及燕亡命者。王之。都王險。孝惠高后時。遼東太守約滿。爲外臣。保塞外蠻夷。無使盜邊。欲入見者。勿得禁止。以故滿得侵降其旁小邑。方數千里。傳子至孫。右渠。所誘漢亡人滋多。未嘗入見。辰國欲上書見天子。又雍闕不通。是歲。漢使涉何譙

諭。右渠終不肯奉詔。何去至沮水。刺殺送者。歸報。拜遼東東部都尉。朝鮮襲殺之。

集覽

全燕之世。索隱

曰。謂六國之際。燕方全盛時也。案契丹志。晉獻契丹全燕地界。東至榆關九百里。西至雲中七百里。南至雄州

二百四十里。北至古北口三百里。真番。東夷國名。應劭曰。玄菟郡。本真番國。番一作藩。太史公自序曰。衛滿收

其亡民。厥聚海東。以集真藩。注。徐廣曰。真藩一作莫藩。藩音普寒反。朝鮮。東夷國名。正義曰。音潮仙。括地志云。

高麗都平壤城。本漢樂浪郡。王險城。古朝鮮地。沮水。漢書音義曰。沮。滂沛反。地理志。沮水出遼東塞外。西南至

樂浪。西至增地入海。後置沮水縣。惟髻。注。見高帝十一年。應結。王險。地理志。遼東險瀆縣。朝鮮王舊都。韋昭曰。

王險。古邑名。瓚曰。王險城。在樂浪郡沮水東。辰國。辰。卽辰韓也。東夷國。在朝鮮真番之東。歲貉之南。雍闕。讀與

壅遏同。刺殺送者。案朝鮮傳。使御刺殺送何者。遼東東部。地理志。遼東郡。武次縣。東部都尉所理。質實

一統志云。真番郡名。注。見秦王政三年。遼東郡。朝鮮東夷國名。周封箕子於此。秦屬遼東外徼。漢初。燕入衛滿

據其地。武帝定朝鮮。爲真番。臨屯。樂浪。玄菟。四郡。昭帝并爲樂浪。玄菟二郡。漢末。爲公孫度所據。傳至孫淵。魏

滅之。晉永嘉末。陷入高麗。高麗本扶餘別種。其王高璽居平壤城。卽樂浪郡地。唐征高麗。拔平壤。置安東都護

府。其國東徙。在鴨綠水東南千餘里。五代唐時。王建代高氏。闢地益廣。并古新羅百濟而為一。遷都松岳。以平壤為西京。其後子孫遣使朝貢於宋。亦朝貢遼金。歷四百餘年。未始易姓。元至元中。西京內屬。置東寧路總管府。書慈悲嶺為界。國朝初。其主李旦遣使請改國號。詔更號朝鮮。其國置八道。分統府州郡縣。遼東郡名。注見秦王政三年。泚水。在朝鮮國平壤城東。一名大通江。中有朝天石。唐蘇定方破兵於泚水。卽此。王險城名。卽平壤城也。在遼東都司城東五百六十里。鴨綠江之東。卽箕子之故國。漢為樂浪郡治。晉義熙後。其王高璉始居此城。後號西京。

甘泉房中產芝九莖赦。

發明

一獸一馬一芝。皆微物也。大書特書。何哉。獸以之紀元。馬以之作歌。芝以之肆赦。播告之修。夸張而侈耀之。雖欲不書可乎。非美之也。所以見其怪誕之失云爾。

○旱。

上以旱為憂。公孫卿曰。黃帝時。封則天旱。乾封三年。上乃下詔曰。天旱。意乾封乎。

集覽

天旱。意乾封乎。

蘇林曰。天早之意。其欲新封之土乾燥乎。

書法

書譏也。上書產芝。下書旱。芝不為瑞明矣。是故武帝書井泉產芝。而下書旱。安帝書豫章芝草生。而上書日食既。地震。綱目之意微矣。終綱日書芝三。是年。安帝元初六年。梁乙酉年。

秋作明堂於汶上。

上欲作明堂。未曉其制度。濟南公玉帶。上明堂圖。有殿無壁。茅蓋。通水。上有樓。乃令作明堂。奉高汶上。如其圖。

集覽

濟南公玉帶。公玉。複姓。帶。名也。濟南郡人。索隱曰。玉。或音肅。姚氏案風俗通。齊潛王臣有公玉再。其

後也。音女錄反。三輔次錄云。杜陵王氏。音肅。今讀公玉

與次錄音同。是未知二姓單複有異也。其單姓者。音肅。

光武時。司徒王况。是其後。有殿無壁。茅蓋。通水。正義曰。

明堂圖中。有一殿。四面無壁。取其通達。以茅覆蓋。取其

精潔。為溝通水。以園遶宮垣。汶上。縣名。屬東

平國。汶水。出琅邪郡朱虛縣東泰山。東入淮。質實。一統

汶上。古厥國之地名。以居汶水之上。故名。春秋時。為魯

中都地。漢置東平陸縣。屬東郡。東漢省入須昌縣。北齊

置樂平縣。隋後改平陸。屬魯郡。唐初屬兗州。後改為中

都縣。全改為汶陽縣。又改曰汶上。元屬東平路。國朝

因之。改屬兗州府。

書法

於汶上何。譏也。禮在國陽。於汶上。非地矣。書作明堂始此。終綱目書作明堂八。是年。光武中元

元年。晉成帝咸康五年。涼。宋辛丑年。齊丙寅年。魏。辛未年。魏。唐中宗嗣聖五年。十三年。書議明堂制度二。

隋文帝開皇十三年。唐高宗總章二年。

遣將軍楊僕。荀彘。將兵伐朝鮮。

書法

武帝用兵。皆書擊。此其書伐何。朝鮮罪也。曷為罪之。襲殺都尉。其罪矣。

○遣將軍郭昌發兵擊滇。滇王降。置益州郡。

遣將軍郭昌發巴蜀兵。擊滅勞深。靡莫。以兵臨滇。滇王降。以其地為益州郡。賜滇王王印。復長其民。是時。漢滅兩越。平西南夷。置初郡十七。且以其故俗治。毋賦稅。南陽漢中以往。郡各以地比。給初郡。而初郡時時小反。殺吏。發卒誅之。歲萬餘人。大農以均輸。調鹽鐵助賦。故能贍之。然所過訾給。毋乏而已。不敢言擅賦法矣。**集覽**勞深。靡莫。索隱曰。西南夷二小國名。與滇同姓。勞深。史作勞浸。靡莫。即靡非。括地志云。勞浸在蜀南。靡非。

酉癸

以杜周為廷尉

在姚州北。去長安西南四千九百餘里。漢王注詳見元狩元年滇國益州郡注同見上年置初郡十七平準書注。晉灼曰。元鼎間定越地置南海蒼梧鬱林合浦交州九真日南珠崖儋耳郡平西南夷傳所置犍為零陵益州郡黎汶山郡及地理志西南夷傳所置犍為零陵益州郡凡十七也。郡謂之初者。後皆叛而併廢之也。南陽漢中以往郡各以地比給初郡。索隱曰。比音鼻。南陽與漢中已往之郡各以其地比近給其初郡。

周外寬內深次骨其治大放張湯時詔獄益多一歲至千餘章逮至六七萬人吏所增加十萬餘人

集覽

外寬內深次骨注詳見元朔五年詔獄案百官表宗正屬官主詔獄

三年冬十二月雷雨雹

雹大如馬頭

遣將軍趙破奴擊樓蘭虜其王姑師遂擊車師破之

樓蘭王姑師攻劫漢使為匈奴耳目上遣趙破奴擊之破奴以七百騎虜樓蘭王遂破車師因舉兵威以困烏

孫大宛之屬。封破奴浞野侯。

集覽

樓蘭西域國。去陽關千六百里。昭帝遣傅

介子往刺其王。更名其國曰鄯善。浞野侯。浞音食。角反。

酒泉。以城下有金泉。味如酒也。今肅州本漢酒泉地。

質實

一統志云。酒泉古地名。漢以前為月氏國地。後

為匈奴所據。武帝時。其王渾邪來降。因以其地置酒泉

郡。東漢及晉皆因之。後魏亦為酒泉郡。隋初廢郡。置肅

州。大業初。省入張掖郡。唐復置肅州。或為酒泉郡。治酒

泉縣。元置肅州路。國朝改置肅州衛。屬陝西行都司。

初作角抵戲。魚龍曼延之屬。集覽。角抵戲。史記。秦二世作

戰國時。稍增講武之禮。以為戲樂。秦更名角抵戲。角。角材

也。抵。抵觸也。顏師古曰。抵。當也。非為抵觸。文頴曰。角抵。謂

兩兩相當。角力抵技。藝射御。魚龍曼延。通作漫延。或作

衍。前西域傳贊曰。漫衍。魚龍之戲。注。漫衍。即張衡賦云。巨

書法

獸百尋是也。魚龍者。為舍利之獸。先戲於庭。畢。乃入殿前

激水。化比目魚。躍水作霧。畢。化黃龍出水。戲於庭。衍。戈戰

反。漫。無明音。莊子因之以曼衍。注。曼衍。變化也。曼音